

影印
文淵閣

四庫全書

影印

文淵閣四庫全書

第一四六一冊

北京出版集團公司
北京出版社

本冊目次

宋詩

鈔(一)

清 吳之振編……一

欽定四庫全書

集部
宋詩鈔卷一

詳校官中書臣賈鏌

主事銜臣徐以坤覆勘

總校官編修臣王燕緒

校對官中書臣劉源溥

謄錄監生臣鄭家屏

欽定四庫全書

集部八

宋詩鈔

總集類

提要

臣等謹案宋詩鈔一百六卷

國朝吳之振編之振有黃葉村莊詩集已著錄是編以宋詩選本叢雜因蒐羅遺集共得百家其本無專集及有集而所選不滿五首者皆不錄每集之首繫以小傳略如元好問中

欽定四庫全書

宋詩鈔提要

州集例而品評考證其文加詳蓋明季詩派最為蕪雜其初厭太倉厯下之剽襲一變而趨清新其繼又厭公安竟陵之佻巧一變而趨真朴故

國初諸家頗以出入宋詩矯鈎棘塗飾之弊之振是選即成於是時以其人自為集故甫刊一帙即摹印行世所傳之本往往多寡不同此本有錄無書者尚有劉弇鄧肅黃軒魏了

年十月恭校上

總纂官_臣紀昀_臣陸錫熊_臣孫士毅

總校官_臣陸費墀

翁方逢辰宋伯仁馮時行岳珂嚴羽裘萬頃

謝枋得呂定鄭思肖王柏葛長庚朱淑真十

六家蓋剗剗未竣故竟無完帙也近時曹庭

棟病其未備因又有宋人百家詩存之刻以

補其闕皆之振之所未錄然之振於遺集散

佚之餘初意蒐羅使學者得見兩宋詩人之

崖略不可謂之無功與庭棟之書互相補苴

相輔而行固未可偏廢其一矣乾隆四十六

欽定四庫全書

宋詩鈔卷一

內閣中書舍人吳之振編

王禹偁小畜集鈔

王禹偁字元之濟州鉅野人九歲能文太平興國八

年進士授成武主簿徙知長洲縣端拱初召試擢右

拾遺直史館拜左司諫知制誥坐劾妖尼貶商州團

練使量移解州進拜左正言直弘文館出知單州尋

欽定四庫全書

宋詩鈔
卷一

召為禮部員外郎再知制誥至道元年入翰林為學

士知審官院兼通進銀臺封駁司又坐謗訕罷為工

部郎中知滁州揚州召還知制誥又坐實錄直書出

知黃州徙蘄州而卒年四十八今有小畜集六十二

卷紹興丁卯沈虞卿所編也當時元之自編按其序

則三十卷宋史言二十卷脫誤也元之詩學李杜故

其贈朱嚴詩云誰憐所好還同我韓柳文章李杜詩

學杜而未至故其示子詩云本與樂天為後進敢期

子美是前身是時西崑之體方盛元之獨開有宋風
氣於是歐陽文忠得以承流接響文忠之詩雄深過
於元之然元之固其濫觴矣穆修尹洙為古文於人
所不為之時元之則為杜詩於人所不為之時者也

酬种放微君一百韻

太歲在辛卯九月萬木落是時太陰虧占云臣道剥王
生出紫微謹逐走商洛扶親又抱子迤邐過京索弊車
載詩史病馬懸囊索西都不敢住空負香山約閨鄉正

欽定四庫全書

宋詩鈔

三

南路秦嶺峭如削肩輿得巨石十步三四却妻孥亦徒
步磧礫不容脚山店蓋木皮烟火渾薰灼夜深聞鬢虎
合家屢驚懼山泉何縈回切裂無橋杓卸鞍引羸蹄解
襪事芒屨晨澗髮可鑒朝涉脰如斲商山六百里天設
皆岩嶠上洛在其中狴牢曾未若逐臣自可死何必在
遠惡刺史不我顧古寺聊淹泊卜居雜民氓致養無精
藥知道由自寬有親強為樂側聞种先生終南卧雲壑
長沮既躬耕元禮仍開學王績婦未娶介潔翹孤鶴之

推母偕隱教誨修天爵詩情亦嗜酒道氣不服藥田衣

剪荷芟野飯烹菹葑霧豹澤文彩冥鴻避矰繳宵從羔

雁聘唯恐簪裾縛如何宋右史斥鷃議鵬鶚起居舍人宋維翰奏

种放隱居終南山量才錄用頗為識者所笑玄纁與丹詔恩禮誠非薄仍勅

京兆府敦諭辭恭恪先生戀板輿純孝心堅確散髮走

烟巒拜章謝恩渥巨材猶在澗大玉不出璞使者遂空

回軟輪何寂寞賢母名微君庭責詞嗚嗚胡為事章句

漏名入街郭府縣汚我山胥徒課吾幄以茲近聲利安

欽定四庫全書

宋詩鈔

三

得成高邈誓將徙窮谷庶可逃諠濁先生拜引過為壽
開樽杓陶陶又熙熙何啻聞芋簞人傳到遷客面目頓
慚忤器小識不遠當年事頭角遭時得一第游宦何齷
齷逐羶甚蚍蜉鬬耀同蜚螭宰邑乏弦歌諫垣無謇諤
便番朱紫綬僭忝絲綸閣方號駸駸尤已困狴狴狴待
罪始知非咄哉昧先覺一聆高世行罪髮庸可擢忍耻
賦三章塵埃寄一作望寥廓明年會恩宥量移升蛙躍靡
暇謁南山征途望西嶽黃河波洶湧白徑苦班駘中條

圍解縣五老烟轟轟此馬為郡副烏敢事隕獲龍禽幸
未死尚且謀飲啄米呼村婢春樵顧山童斫飼馬拌寒
蕪看書熟秋葺信口亦吟哦放心無適莫君恩已絕望
人事終難度相府一張紙喚起久屈竣誠知有梁棟未
忍弃棖桷五城天上開三殿雲間卓重取政衣冠籠裹
山獠攫病翼得風雲壞牆勞赭堊諫官與史氏舊職聊
羈絡舉袖拂石螭凝眸睨金雀冥心想前事一夢何揮
霍長恐先生間倚松成大喙關中朋友來遺我神仙作

欽定四庫全書

宋詩鈔
卷一

四

繁華遠客綺鏐鏐美金錯古澹吸釧羹大雅鏗木鐸千
言距百韻旨趣何綽綽孰念氣如虹翻然輕抵鵲俊甚
麻姑爪快比屠門嚼渾金豈在鎔尺璧寧施琢愈風齊
捧檄忘味同聞樂置之向懷袖日夕芬蘭若褒我塵俗
韻鉛刀化干莫同聲必有應過實還疑謔盛夸山中事
雲屋張霞幕蘭茝含露採石髓和烟酌巢由泉滌耳園
綺芝盈握有時上絕頂星斗近可摸下視塵世人營營
似蟲螻男兒既束髮出處岐路各苟非秉陶鈞即去持

予樂致主比唐虞安邊如衛霍不爾為逸人深居返吾
朴胡然自碌碌名節亦銷燦行年過半世功業無圭勺
無術鑄五兵使民興錢鏹無才統六師逐寇開沙漠空
言說王道肆目看人瘼多慚指佞草虛效傾心藿一覽
大雅文起予亦何博况茲山野性謨畫昧方略搔首謝
朝簪行將返耕鑿

寄題陝府南溪兼簡孫何兄弟

甲湖在陝服自昔名所重許昌擅唐律人口尚傳頌舊

欽定四庫全書

宋詩鈔
卷一

五

迹固蓁莽勝槩猶出衆前年謫商于過此方憂恐無暇
濯溪泉惻惻心甚痛量移遇恩宥方寸稍放縱故人孫
漢公勤懇事迎送柅車得三宿延我入溪洞春殘尚有
蝶夏首始見螻朱櫻實頗煩黃鳥聲亦哢地幽接府署
亭高瞰村壑縈砌水逶迤入簷山麓從鯉翻自躍金螭
篆燒餘承石危君子介苟亂小人勇虛涼集鷗鷺夾堦
無蚊蠓芰葉巧如剪萍根密非種遥苔白斑駁岸草玄
蒨葦官醢綠開瓶時果青出籠醉中猛別復依約似一

夢唯愁當要路時仗樓闌茸解梁雖近山坑塿費耕種
常風自監南日夕塵塢捧雲泉既遼遠草樹非秀聳况
茲炎蒸月繫縛何所動緬懷八龍會南溪與誰共撮萼
本多才甘棠應少訟枕簟與琴書錫原聊自奉篇章取
李杜講貫本姬孔古文閱韓柳時策聞晁董清吹席上
來當暑開冰凍菱脫擘瓊枝瓜甘浮蜜筍氣秋綠篠戰
露現圓荷捧照湖小賀監溪堂輕馬總此景且不同此
懷可長慟平生好泉石况復官散冗近聞田紫微連水
欽定四庫全書

宋詩鈔
卷一

六

許就俸

田舍人量移軍州表
乙就連水居詔許之

援例苟得請甲湖當日用

終老占溪居卧看秋泉湧

七夕

商州作

去年七月七直廬開獨坐西日下紫垣東窓昏青瑣露
柳蛩忽鳴風簾燕頻過寂寂紅藥堦槿花開一朵時清
無詔詰性淡忘物我兀然何所營橫枕通中卧夢入無
何鄉蛺蝶甚么麼孰謂處深岩自得放慵情中官傳宣
旨御詩令屬和驚起儼衣冠拜舞蒼苔破逸翰龍蛇走

欽定四庫全書

宋詩鈔
卷一

七

枕草涼西郊忽流火河漢勢清淺斗女姿婀娜商土本
硤磳商民久勞瘁霜旱固不支水潦復無奈
今歲商山秋水大
居人且艱食行商不通貨郡小數千家今夕惟愁呵吾
兒索來禽
即林擒
傾市得一顆舉家成大笑愁眉略舒解
自念一歲間榮辱兩偏頗賴有道依據故得心安妥窮
乎止旅人達也登王佐匏瓜從繫滯糠粃任揚簸批鳳
不足言失馬聊自賀委順信吾生無可無不可

不見陽城驛

并序

予為兒童時覽元白集唱和陽城驛詩時稹貶江陵

過南山感陽道州而作是詩也且改驛為避賢郵不忍呼其諱也樂天在翰林得而和之又見杜紫薇富水驛詩題下解云富水驛舊名與陽諫議同辛章曰驛名不合輕移改留警朝天者惕然淳化二年九月予自西掖左宦商于訪其驛則無有也檢之圖經求之郡境則富水地存而驛廢陽城之號遂莫知矣因作古風詩申明三賢之作且以不見陽城驛為首句至于道州之行事元詩盡之矣此不復云

欽定四庫全書

宋詩鈔
卷一

不見陽城驛空吟昔人詩誰改避賢郵唱首元微之微之謫江陵頗賴為判司路道商山驛一夕見嗟咨所嗟陽道州抗直貞元時時亦被斥逐南荒終一麾題詩改驛名格力何高奇樂天在翰林亦知遷客詞遂使道州名光與日月齊是後數十年借問經者誰留題富水驛始見杜紫薇紫薇言驛名不合輕改移欲遣朝天者惕然知在茲一以諱事神名呼不忍為一以名警衆名存教可施為善雖不同同歸化之基邇來又百稔編集空

鱗差我遷上洛郡罪譴身繫維舊詩猶可誦古驛殊無遺富水地雖在陽城名豈知空想數君子貫若珠累累三章詩未泯千古名亦垂德音苟不嗣吾道當已而前賢尚如此今我復何悲題此商于驛吟之聊自怡

感流亡

謫居歲云暮晨起厨無烟賴有可愛日懸在南榮遷高春已數丈和暖如春天門臨商于路有客憩簷前老翁與病嫗頭鬢皆皤然呱呱三兒泣惻惻一夫鰥道糧無

欽定四庫全書

宋詩鈔
卷一

斗粟路費無百錢聚頭未有食顏色頗飢寒試問何許人答云家長安去年關輔旱逐熟入穰川婦死埋異鄉客貧思故園故園雖孔邇秦嶺隔藍關山深號六里路峻名七盤襁負且乞丐凍餒復險艱惟愁大雨雪殍死山谷間我聞斯人語倚戶獨長歎爾為流亡客我為冗散官在官無俸祿奉親乏甘鮮因思筮仕來倏忽過十年我冠蠹黔首旅進長素餐文翰皆徒爾放逐固宜然家貧與親老覩爾聊自寬

竹鼯

商嶺多修篁蒼翠連山谷有鼠生其中薦食無厭足春
筍蠶生犀秋筠折寒玉飫飽致肥腴優游恣蕃育林密
鳶不攫穴深犬難逐鳳皇餓欲死彼實無一掬惟此竹
間鼯琅玕長滿腹暖戲綠叢陰舉頭傲鴻鵠不知商山
民愛爾身上肉有錡利其鋒有錐鋸于鏃開穴窘如囚
洞胸聲似哭膏血尚淋漓攜來入市鬻竹也比賢良鼠
兮類商俗所食既非宜所禍誠知速吁嗟狡小人乘時

欽定四庫全書

宋詩鈔
卷一

十一

送筇杖與劉湛然道士

有客遺竹杖九節共一枝鶴脰老更長龍骨乾且奇我
問何所來來從西南夷因思漢武帝求此民力疲明明
聖天子德教嘉四維蠻荒盡臣妾縣道皆羈縻焚童與
笮馬入貢何累累此竹日以賤輕視如蒿藜我年三十

七血氣未全衰况在紫微垣動為簪笏羈倚壁如長
物歲月無所施寸心空愛惜惜此來天涯忽承明主詔
來謁太乙祠再見劉先生氣貌清且羸持此以為贈所
謂得其宜少助橘童力好引花鹿隨步月莫離手看山
聊堵頤微物懶致書故作筇竹詩

對雪

帝鄉歲云暮衡門晝長閑五日免常參三館無公事讀
書夜卧遲多成日高睡睡起毛骨寒窻牖瓊花墜披衣

欽定四庫全書

宋詩鈔
卷一

十二

出戶看飄飄滿天地宜敢患貧居聊將賀豐歲月俸雖
無餘晨炊且相繼薪芻未闕供酒肴亦能備數杯奉親
老一酌均兄弟妻子不飢寒相聚歌時瑞因思河朔民
輸挽供邊鄙車重數十斛路遙數百里羸蹄凍不行死
轍冰難曳夜來何處宿聞寂荒陂裏又思邊塞兵荷戈
遇敵騎城上卓旌旗樓中望烽燧弓勁添氣力甲寒侵
骨髓今日何處行牢落窮沙際自念亦何人偷安亦如
是深為蒼生蠹仍尸諫官位謬無一言豈得為直士

褒貶無一詞豈得為良史不耕一畝田不持一隻天多
慚富人術且乏安邊議空作對雪吟勤勤謝知己

送朱九齡

吏隱不求貴親老不擇祿之子有俊才弱冠中正鵠弗
墜先人業何慚有道穀一命佐碭山枳棘聊容足再命
宰嘉興絲桐幾易俗幸身甘菜茹養母求梁肉承顏苟
不虧折腰未為辱解印無餘貲舟中只琴筑十口寄淮
泗一身來輦轂又說東南行秋風江水淥鄱陽古名郡
欽定四庫全書
宋詩鈔
卷一
十三
赤金流山谷每歲鼓錢刀從來設官局還得便高堂無
辭縻逸躡颺帆江湖思木脫天地肅楓葉紫欄編蓼花
紅累嶽津吏曉來迎溪僧夜留宿至止事方簡優游從
所欲江城豐稻梁水市多魚菽三載奉甘飴百錢飽家
族自有綵衣華勿歎藍袍綠行年未三十氣壯顏如玉
行義日以聞焉能長碌碌終列侍臣班耀我同年錄且
賦白華詩唱作離筵曲

暴富送孫何入史館

孟郊嘗貧苦忽吟不貧句為喜玉川子書船歸洛浦
有忽不貧喜盧乃知君子心所樂在稽古漢公得高科
全書船歸洛詩
不足惟墳素二年佐棠陰眼黑怕文簿躍身入三館爛
目閱四庫孟貧昔不貧孫貧今暴富暴富亦須防文高
被人妒

送馮尊師

時馮再為拾遺

前日訪潘閣下馬入窮巷忽見雙筇石卧向青苔上云
是馮尊師秋來留在茲今說東南行問我堅乞詩又見
欽定四庫全書
宋詩鈔
卷一
十三
宋閣老亦言詩甚好欲去天台山即別長安道臺閣有
羣英贈別瑰與瓊瑤然滿懷袖此事殊為榮安用徵吾
句吾道方齟齬老為八品官有山未能去束髮號男兒
出處貴得宜出則學臯夔獨立稱帝師處則同喬松決
起如冥鴻誰能似蚯蚓蟠屈泥土中師行甚可羨雲鶴
無羈絆為我持此詩題于桐柏觀

庶子泉

物趣同天造物景不自勝泉乎未遇人石罅徒流迸宮

相政多暇行樂躡岩磴發蒙漲為溪幽致茲焉盛唐賢
大歷後峭壁刻名姓我來一何暮今秋始乘輿山勢環
有缺山門壺引柄乍挹清泚香頗悵幽閒性味將春茗
宜光與曉嵐暝架竹落僧厨遠聲入晴磬何當宿禪室
歌枕終夜聽飲多病骨換照久塵襟迴銷盡謫居愁無
心治歸艇

陽冰篆

冷冷庶子泉落落陽冰筆雲氣勢奔垂龍蛇互蟠屈嶧

欽定四庫全書

宋詩鈔
卷一

五

山既剗滅石鼓又缺失唯茲數十字道勁倚雲窟模印
偏華夷流傳耀細帙書誠一藝爾小道詎可忽乃知出
人事千古名不沒

東門送郎吏行寄承旨宋侍郎

西門送僕射鞍馬照落光南門送貳卿冠蓋遙相望東
門送郎吏臚舟隋隄傍郎吏誠隔品同直白玉堂丈人
況知已振拔在舉揚攜手惜我去深勸離別觴醉中不
記事烟水空茫茫醒來聞鳴櫓嘔軋獨一傷猶疑在禁

中殘漏寒丁當迴望銀臺間五雲遮帝鄉衆散今如此
升沉庸何傷丈人名位峻只欠登岩廊平居倦朝請高
論思退藏園田有別業古木羅修篁覃亭寒蕭蕭池波
碧泱泱嘗云拂袖去可以傲羲皇丈人果能爾識度非
尋常安車比踈廣辟穀如張良再拜願丈人壽考乃康
強自念山野士不解隨圓方宦途多齟齬身計頗悲涼
行將解簪笏歸去事農桑容操履杖洒掃循丘牆

北樓感事

有序

欽定四庫全書

宋詩鈔
卷一

五

唐朱崖李太尉衛公為滁州刺史作懷嵩樓取懷歸
嵩洛之義也衛公自為之記其中述直翰林時同僚
存歿且有白雞黃犬之歎頗露知退之心及自滁微
拜再秉鈞軸卒以怙權賈禍貶死海外則向之立言
誠空文爾皇宋至道元年夏五月僕自翰林學士尚
書禮部員外郎知制誥除工部郎中知滁州軍州事
到郡之日訪衛公舊迹樓之與記皆莫知也而郡有
北樓通刺史公署登眺終日甚亦自得作北樓感事

詩以見意

北樓出林杪登覽開病姿旁帶滁州城雉堞何逶迤下

入刺史宅却臨統軍池

孟統軍作小池在樓下

伊子翰林客失職

方在茲兩衙部領外盡日吟望時晚窻度急雨夏木交

繁枝淮南氣候殊經秋轉黃鸝簷前有山果採掇亦甘

滋樽中有官醞傾酌任醇醑忘機得真趣懷古生遠思

念昔李太尉落落邦家基下筆到西漢料兵如六奇謫

官來此郡鬱鬱持一麾嘗在懷嵩樓記文悲感哀甚得

欽定四庫全書

宋詩鈔

卷一

進退理深明禍福機未幾再入用斯言忽如遺君恩匪

膠柱天缺若影隨六月萬里行炎荒竟不歸功成又名

遂不退將安之姑以人事較勿憑天命推矧予草澤士

被褐復羹藜謬因弄文翰八載侍丹墀三入承明廬古

人期並馳玉堂百日罷所累非文辭強仕未為老望郎

不為卑淮邊永陽郡人物自熙熙費用量所入豐約從

其宜一妻本糟糠不識金翠施三男無庶孽詎愛紈綺

賢甘貧絕誅求易退無羈縻五十擬歸耕何必懸車期

且予望衛公雲龍與山麋唐賢昔際遇文雅道光輝進

士取將相易于俯拾芥自從五代來素風已陵遲干戈

為政事茅土輸健兒儒冠筮仕者僅免寒與飢至今明

聖代此風猶未移自無經濟術焉能碌碌為歸歟復歸

歟無忘北樓詩

官醞

為郡得官醞月給盈三斛地僻少使車時清罕留獄老

大復遷謫吾懷頗幽獨嬋娟樓上月爛漫池邊菊東院

欽定四庫全書

宋詩鈔

卷一

與西亭脩脩風弄竹對此不開樽騷人應慟哭獨酌入

醉鄉陶然瞑雙目醒來成浩歎胡為事口腹彝酒書垂

戒羣飲聖所戮漢文亦禁酒患在縻人穀自從孝武來

用度常不足推醑奪人利取錢入官屋古今事相倍帝

皇道難復吾無奈爾何更盡杯中滌

黑裘

野蠶自成繭綠密為山紬此物產何許萊夷負海州一

端重數斤裁染為褰裘守黑異華侈崇儉非輕柔燠香

則無取風雪曾何憂朝可奉冠帶夜以為衾裯

一作晏

嬰三十年庶幾跡相伴季子歎貂弊吾服已為優不取

狐貉者亦當師仲由況我屢遷謫行採賡歌謳快髮垂

鷺頂植杖昂鳩頭袖寬可以舞老農即為儔不曳銀臺

門任爾爭封侯

聞鵲有序

滁淮地也郡堞之上鵲巢焉

闕

永夕鳴嘯不已

妻子驚死或終夜不寐因作詩以喻

闕

徵前賢放

欽定四庫全書

宋詩鈔

而聞是

闕

總而述云以見吾志

元精自萬彙羽族何茫茫為怪有鵲為瑞稱鳳凰

凰不時出未識五色章吾生在鄉魯風土殊遠方鳴鳩

隨乳燕日夕巢吾梁翩翩雜鳥雀比屋率為常又從筮

仕來五年居帝鄉更直入承明侍宴夜未央上林聞鶯

嚶巧舌如笙簧鵲徒知名聞見實未嘗頃年謫商山

聽之已悲涼今茲出內庭罰郡來永陽誰知爾鵲鵲營

巢在城牆年加睡漸少秋盡漏且長鳴嘯殊不已歷歷

含微霜孺人泣我右稚子啼我傍吾心非達士詎免亦

悵悵人生縱百歲忽若火石光其間有窮通幽昧難自

量我愛臯與夔我冠虞舜堂蕭韶聞九成丹穴來銚鏑

又愛閔與散陳力遇文王驚驚聽岐山多士周道昌嗟

嗟漢賈誼年少謫南荒故有鵲鳥賦倚伏理甚詳邨公

暨鄴侯放逐同一邦夜深聞此鳥韋公涕沾裳李侯舉

酒今斯音非不祥坐客如不聞罰之以巨觴遂使惡聲

鳥聽之無所傷

天寶中韋邨公謫守新州時李鄴侯亦以處士放逐因夜飲聞鵲鳴韋公泣下

欽定四庫全書

宋詩鈔

李公曰此鳥人以為惡其聲可聽乃令坐客

贊皇貶袁

有不聞其聲者罰以大杯由是聽之不厭

李太尉有懷鵲賦

乃知昔賢哲未免亦悽惶况

予不肖者邀寵在朝行報國惟直道謀身味周防四年

兩度黜鬢髮已蒼蒼雖得五品官銷盡百鍊鋼何我解

印綬歸田謝膏粱教兒勤稼穡與妻甘糟糠鳳來非我

慶鵲集非我殃優游盡天年身世俱可忘

甘菊冷淘

經年厭梁肉頗覺道氣渾孟春致齋戒勅厨惟素飡淮

南地甚暖甘菊生離根長芽觸土膏小葉弄晴暎采采

忽盈把洗去朝露痕俸麪新且細漫牢如玉墪隨刀落

銀鏤煮投寒泉盆難此青青色芳香敵蘭蓀一舉無子

遺空媿越盤存解衣露其腹稚子為我們飽慚廣文鄭

飢謝魯山元廣文先生飯不足元魯山飢而死況我草澤士藜藿供朝

昏謬因事筆硯名通金馬門官供政事食久直紫微垣

知制誥給政事食自小許公始誰言謫滌上吾族飽且溫既無甘旨慶

馬用味品煩子美重槐葉直欲獻至尊事見杜工部起槐葉冷淘詩

欽定四庫全書

宋詩鈔

予有遺韻甫也可與言

訓楊遂

楊君江左士文律何飄飄人言未冠時作賦陵洞蕭甲

科中南國江南狀元及第通籍趨東朝入中朝為贊善軻位不進陶

潛還折腰復為縣令宰邑向蜀道崔蒲忽興妖官小力不支

奔竄避搶刀朝廷責守土黜入縣佐僚昨朝寫孤憤遺

我有客謠伊予亦左遷諷之心無慘人生一世間否泰

安可逃但問道何如未必論卑高自古富貴者撩亂如

藜蒿德業苟無取未死名已消豈期顏子淵不朽在一

瓢推此任窮達其樂方陶陶達則為鵬鵬窮則為鷦鷯

垂天與巢林識分皆逍遙

和楊遂賀雨

我罷內廷職出臨水陽民永陽民雖庶未免多飢貧富

之既無術齟齬為謹身可堪今夏旱如燎復如焚厥田

本塗泥坐見生塵氛稚老無所訴嗷嗷望穹昊食祿憂

人憂早夜眉不伸從決獄中囚徧禱境內神楚辭有山

欽定四庫全書

宋詩鈔

鬼廟貌羅水濱佛法有浮圖寺宇連城闐齋莊命寮寮

供給抽俸緡鼓笛迎湫水香花照金輪誠知非典故且

慰旱暵人偶與天雨會霧霓四郊勻挿秧復修堰野叟

何欣欣可辦官府調亦免農艱辛變調賴時相感應由聖

君子吾復何有敢望歌頌云清流楊水部德與我為鄰

仇香官位屈何遜詩格新見投賀雨詩言自人口聞夫

君蓋私我過實豈相親為霖非我事職業惟詞臣若有

民謠起當歌帝澤春庶使採詩官入奏助南薰

揚州寒食贈屯田張員外成均吳博士同年殿省

柳丞

前年寒食節待詔直內廷休假百官出獨掩深嚴局近
侍不敢醉賜酒空滿餅閒就通中枕時聞索上鈴思入
無何鄉兀然欲忘形去年寒食日滁上忝專城山歌喧
里巷春物媚池亭水陽溪水綠琅琊山色青謫宦自消
遣不敢誇獨醒往往取官醞時時對花傾醉來念身世
翻使淚縱橫今年淮海時節又清明對案有留事聽

欽定四庫全書

宋詩鈔

卷三

歌無歡聲胥徒費簿領使客煩送迎控宇未空歇堰塚
勞修營衰病力不支懶慢性已成虛花滿雙目素髮添
數莖酒有略無味妓樂固難聽誰言寒食下終日取茶
烹屯田布素交屈此關市征昔年同應舉典衣飛巨觥
博士東觀客求官得步兵況且丹陛前同為出谷鶯殿
丞尹我邑桑梓復弟兄吏隱掌鑿茗終朝談道經三賢
宴會少七夕休假并何不策我馬廢苑尋流螢何不蕩
我舟樓臺訪摘星三春景欲盡九曲波始平居然逼吏

後頓此阻交情老態厭春華病身憂宿醒如水若不改
藉糟亦胡寧解印蓄素志吟詩露丹誠維揚非所愛有
便即為耕

揚州池亭即事

冥心閱羣動亦各趨所安胡為名利人戚戚常鮮歡吾
生四十四結珮呼羣官掌言入綸閣待詔直金鑾匪謂
得祿少所嗟行道難前年謫滁州憂時雙鬢殘賴有瑯
琊溪時濯塵纓冠朝食徒淮海任重力易殫君恩詎可

欽定四庫全書

宋詩鈔

卷三

報感激涕洟瀾民瘼不能治惻隱情悲酸況復多病身
名宦心已闌歸田未果決懷祿尚盤桓公退何所適池
亭一凭闌旭日媚春弄微風生鳴湍呵僮勿挾彈留客
不持竿用冀魚鳥馴熙熙肆游觀神仙未可學吏隱聊
自寬孤吟刻幽石此義非考槃

一品孫鄭昱

鄭綱元和中并相
至鄭昱六世矣

卜塋得假官南出安上門鞭馬六十里暮投中書村村
翁館我宿茆屋欲黃昏有客忽投刺自稱一品孫氣貌

不凡俗因為開酒樽坐久問家謀其族大且繁池州有
清節濫觴發洪源太傅擅鴻筆入相又出藩其家本開
封改號一何尊至是始六代布衣老丘樊跨驢入府縣
驅犢耕郊原家廟固已毀國史空具存盛德百世著功
必格乾坤高大已不祀美細何可論况復起章句乘時
寵便蕃子孫雖替後尚得守田園我愛三代時法度有
深根卿大夫稱家世世奉蘋蘩四民有定分官路無馳
奔自從雜霸道傾奪日喧喧脫未秉金鉞吮筆乘朱軒
欽定四庫全書

宋詩鈔
卷一

雷

播在麓與墳

月波樓詠懷

有序

月波之名不知得于誰氏圖綴故老皆無聞焉因作

古詩一章凡六百八十字陷于樓壁庶使茲樓之名
得與詩俱不泯也

郡城無大小雄堞皆有樓其間有名者不過十數州吹
簫事遶迴仙迹難尋求庾公在九江締構何風流謝守
鎮宣城疊嶂名有由東陽敞八詠吾聞沈隱侯白雪架
郢中調高誰和酬黃鶴倚鄂渚仙去事悠悠贊皇謫滌
上作賦懷嵩丘樓居出俗態澤國多勝遊好景不過人
安得名存留齊安古郡廢移此清江頭築城隨山勢屈

欽定四庫全書

宋詩鈔
卷一

五

曲伏環周茲樓最軒豁曠望西北陲武昌地如掌天末
入雙眸平遠無林木一望同離婁山形如八字會合勢

相勾

東晉方士戴洋言武昌有山無林山形八字勢不
及九故孫權以黃武元年都武昌八年遷建業

三國事既遠六朝名亦休近從唐末來爭奪互仇仇斯
樓備矢石此地控咽喉終朝望烽燧連歲事戈矛可憐
好詩景牢落無人收皇家統萬國遠邇盡懷柔三聖四
十年蕩蕩文德修淮甸為內地黃岡為上游儒冠假郡
印踐更若公郵况多辨職吏誰肯恣吟謳伊余何為者